

ԵԿԵՂԵՑԻՆ ԿԸ ՏԱՐԱԾԷ ՅԻՍՈՒՍԻ ԱԻԵՏԱՐԱՆԸ

Աստուած կ'ըսէ. Այնուհետեւ, երբ վերջին օրերը գան,
ին Հոգիս պիտի թափեն բոլոր մարդոց վրայ:

Ըստ Գործք Առաքելոց 2.17

Գրեցէ՛ր...

Դիտէ այս նկարը եւ ըսէ թէ ի՞նչ կը կարծես որ կ'ըլլայ այդտեղ:

Երբեմն ուրիշներու օգնութեան շատ կարիքը կը զգանք: Ուրիշներու օգնութեամբ շատ մը գործեր կրնանք յաջողցնել, որ առանձին պիտի չկարենայինք: Կամ ալ անոնք աւելի դժուար պիտի ըլլային, կամ շատ աւելի ժամանակ խլէին մեզմէ, երբ առանձին ընէինք զանոնք:



Ահաւասիկ Սաղմոսէն համար մը.-


«Մեր Աստուածը կու գայ. Ա՜ն բնաւ լուռ չի' մնար» (Սաղմոս 50):

Այս բառերը կարդալէ ետք, ինչի՞ կրնանք նմանցել Աստուած: Քանի մը նախադասութիւններ գրեցէ՛ք ձեր մտածումները արտայայտելու համար:

Աստուածաշնչական պատմութիւնը կարդացած ժամանակ, գտէք քանի մը կերպեր, որ Յիսուսի խոստացած Սուրբ Հոգին պիտի օգնէր իրեն եւ իր հետեւորդներուն:

ՅԻՍՈՒ ԿՐ ՊԱՏԱՄ ՍՈՒՐԲ ՀՈԳԻՒՆ ՄԱՍԻՆ

Ըստ ԴՈՒԿԱՍԻ 4.16-22, ԳՈՐԾԲ ԱՌԱՔԵՐՈՅ 2.14-41



Օր մը Յիսուս Նազարէթ եկաւ, հոն՝ ուր մեծցած էր: Ինչպէս միշտ կ'ըներ, այս անգամ ալ ժողովարան գնաց Շաբաթ օրով, եւ ոտքի ելլելով ներկաներուն կարդաց Հին Կտակարանէն հատուած մը:

Անոնք իրեն տուին Եսայի մարգարէին գիրքը: Ան բացաւ գիրքը եւ գտաւ այն բաժինը որ Սուրբ Հոգիին մասին էր: Ան կարդաց. «Տիրոջ Հոգին իմ վրաս է, Ան զիս օծեց որպէսզի աղքատներուն քարոզեմ Աստուծոյ բարի լուրը: Ան զիս դրկեց որպէսզի վշտացած մարդիկը բժշկեմ, ազատութիւն քարոզեմ բանտարկեալներուն, եւ կոյրերուն աչքերը բանամ: Ան զիս դրկեց վիրաւորները բուժելու, եւ Տիրոջ ընդունելի տարին յայտարարելու»:

Երբ Յիսուս վերջացուց ընթերցումը, գոցեց գիրքը եւ օգնականներէն մէկուն տուաւ ու նստաւ: Բոլոր ներկաները իրեն կը նայէին: Ան ժողովուրդին ըսաւ. «Սուրբ Գիրքին այս բառերը որ դուք լսեցիք, այսօր կատարուեցան»: Այս բառերով Յիսուս ըսել կ'ուզէր ժողովուրդին, որ Սուրբ Հոգին միշտ իր հետ է: Սուրբ Հոգին միշտ կը բուժէր եւ կը հանգստացներ ժողովուրդը:

Քանի մը տարիներ ետք, Պենտեկոստէի օրը, Պետրոս առաքեալն ալ խօսեցաւ Սուրբ Հոգիին մասին ներ-

կայ բազմութեան, այս անգամ Երուսաղէմի մէջ: Պետրոս ըսաւ. «Աստուած ինծի խոստացած է, թէ իր Հոգին պիտի թափէ բոլոր մարդոց եւ կիներուն վրայ: Դուք, իբրեւ Աստուծոյ ժողովուրդ, պիտի տեսնէք որ ձեր տղաքն ու աղջիկները պիտի ըսեն այն ինչ որ Աստուծոյ կամքն է իր ժողովուրդին համար:

«Ձեր երիտասարդները տեսիլքներ պիտի տեսնեն, եւ ձեր ծերերը երազներ պիտի տեսնեն: Աստուած ըսած է. "Հրաշքներ պիտի գործեմ երկինքի մէջ եւ երկրի վրայ.՝ արիւն, կրակ եւ ծուխ: Արեւը պիտի խաւարի, իսկ լուսինը արիւնի գոյն պիտի դառնայ, նախքան Տիրոջ այդ մեծ օրուան հասնիլը: Եւ բոլոր անոնք որոնք Տիրոջ անունը տան, պիտի փրկուին"»:

Ապա Պետրոս ժողովուրդին յիշեցուց, թէ հակառակ անոր որ Յիսուս Քրիստոս խաչին վրայ մեռաւ, մահը չկրցաւ պահել զԱյն, եւ ԱՆ մեռելներէն յարութիւն առաւ: Ասիկա այնքան մեծ

հրաշք մըն էր, որ Դաւիթ թագաւոր, որ Յիսուսէն շատ առաջ ապրած էր, գիտէր որ այդ բոլորը պիտի պատահէին:

Պետրոս ժողովուրդին խոստացաւ, թէ երբ անոնք դառնան իրենց սխալ ճամբէն եւ հետեւին Յիսուսի, պիտի ստանան Սուրբ Հոգիին շնորհքները:

Այնպէս ինչպէս Սուրբ Հոգիին ներկայութեամբ եկեղեցին հիմնադրուեցաւ Հոգեգալուստի օրը, կը շարունակուի մինչեւ այսօր մեր մեծ ծնողներով, մեր ծնողներով եւ մեզմով, իբրեւ անդամները այդ եկեղեցւոյ: Աստուած խոստացաւ, որ Սուրբ Հոգին մինչեւ վերջ իր եկեղեցիին հետ պիտի ըլլայ:

Հոգեւոր բառարան

Ժողովարան


Այն տեղը, ուր հրեաներ կը հաւաքուին Աստուծոյ աղօթելու համար:

Օճոխ

Մէկը դրոշմել, Աստուծոյ կողմէ յատուկ պարտականութիւն մը յանձնելով անոր: Ասիկա ընդհանրապէս կը կատարուի սուրբ իւր թափելով այդ անձին վրայ:

Հեռախօսի հարցազրոյցն ալ

Պահ մը այնպէս ենթադրենք որ հեռախօսիլի հաղորդավար մըն ես: Ի՞նչ հարցումներ պիտի հարցնէիր անձի մը, որ քիչ առաջ Յիսուսի հետ էր ժողովարանին մէջ եւ հիմա դուրս կ'ելլէ: Գրէ՛ երեք հաւանական հարցումներ: Անոնցմէ մէկը, նուազագոյն մէկ հատը պետք է Սուրբ Հոգիին մասին ըլլայ:



Պատասխանները գտել

Աստուածաշունչը մէկէ աւելի օրինակներ կու տայ մեզի այն կերպերուն մասին, որոնցմով Սուրբ Հոգին կ'օգնէ մեզի եւ կ'առաջնորդէ մեր քայլերը: Կարդացէք իւրաքանչիւր Աստուածաշնչական հատուածը եւ անոր սկիզբը դրուած տառը գրեցէք համապատասխան համարին դիմաց:

- 1. Սուրբ Հոգին մարդոց կարողութիւն կու տայ արուստներ եւ գեղեցկութիւններ ստեղծելու:
- 2. Սուրբ Հոգին կ'օգնէ որ մարդիկ զինուորական յաջողութիւններ արձանագրեն:
- 3. Սուրբ Հոգին հանգիստ կը պարգեւէ մարդոց:
- 4. Սուրբ Հոգին ուրախութիւն կու տայ մարդոց:
- 5. Սուրբ Հոգին մաս կը կազմէ ստեղծագործութեան այս աշխարհին մէջ, որ մենք կը վայելենք:

- ա)** Եսայի 63.14
- բ)** Դատաւորաց 3.9-11
- գ)** Ելից 31.1-5
- դ)** Սաղմոսաց 104.24-30
- ե)** Գործք Առաքելոց 13.52

Սուրբ Հոգին մեզի հետ է

Այս դասին Աստուածաշնչական պատմութեան մէջ Յիսուս կ'ըսէ թէ Սուրբ Հոգին օծած է զԻնք որպէսզի քարոզէ, ժողովուրդին հիւանդութիւնները բուժէ եւ չարէն ազատէ զանոնք: Սուրբ Հոգին Յիսուսի առաքելութեան մաս կը կազմէր: Աստուածաշունչին մէջ ուրիշ հատուածներ ալ կան, որոնք կ'ըսեն թէ Սուրբ Հոգին ի՞նչ կ'ընէ ժողովուրդին կեանքին մէջ:



Այնպէս ինչպէս Յիսուս օծուած էր, մենք ալ կ'օծուինք մեր մկրտութեան պահուն: Քահանան Սուրբ Միւռնոնով կ'օծէ մեր ճակատը, աչքերը, քիթը, բերանը, ականջները, սիրտը, կոնակը եւ ոտքերը: Այս ըրած ժամանակ, քահանան կ'ըսէ. «Յիսուս Քրիստոսի այս կնիքը»: Բոլոր եկեղեցի եկողները կ'աղօթեն որ մենք Աստուծոյ կամքին համաձայն ապրինք: Անոնք կ'աղօթեն որ մենք ալ Յիսուսի օրինակով ուրիշներուն օգտակար ըլլանք:

Յետոյ մեզի կը հազցեն ճերմակ հագուստ եւ խաչ կը կախեն մեր վիզէն: Այս օծումը Սուրբ Հոգիին կնիքն է որ մեզի կը տրուի այդ պահուն եւ մեզի հետ կը մնայ մինչեւ մեր կեանքին վերջը, որպէսզի Աստուծոյ զաւակ դառնանք:

Կարդացէ՛ք **Բ. Կորնթացիներու 1.22** եւ ամբողջացուցէ՛ք ստորեւ դրուած նախադասութիւնը տրուած բառերը օգտագործելով, եւ ապա բաղդատեցէ՛ք Աստուածաշունչի համարին: Ի՞նչ կ'ըսուի այստեղ Սուրբ Հոգիի կնիքին մասին:

Մենք ալ, իբրեւ մարդիկ, կրնանք կնքել որոշ առարկաներ: Վստահաբար տեսած էք մոմէ կնիքներ, որոնք կարելոր նամակներու վրայ կը դնեն: Այդ կնիքը կը նշանակէ թէ այդ գրութիւնը իսկապէս շատ կարելոր է:

Սուրբ Հոգիին կնիքը բոլորէն աւելի կարելոր է:

Ան իր կնիքը _____ վրայ եւ մեզի _____ իր _____

մեր _____ մէջ, իբրեւ _____:



տուաւ

ապաւէն

Հոգին

դրաւ

մեր

սրտերուն



ՄԵԾՆ ՍՈՒՐԲ ԱՔԱՆԱՍ

Սուրբ Աթանաս ծնած է 296 թուականին, Աղեքսանդրիա քաղաքին մէջ՝ Եգիպտոս: Փոքր տարիքին ան շատ կը սիրէր «եկեղեցի-եկեղեցի» խաղալ: Օր մը եպիսկոպոսը կը տեսնէ զինք խաղի պահուն եւ կ'ըսէ. «Այս փոքրիկը եկեղեցւոյ մեծ առաջնորդ պիտի դառնայ օր մը»: Եպիսկոպոսին ըսածը ճիշդ ելաւ:

325 թուականին, աշխարհի ամեն կողմերէն Նիկիա քաղաք հաւաքուեցան քրիստոնէայ եկեղեցիներու բոլոր եպիսկոպոսներն ու քահանաները, մեծ ժողովի մը համար: Աթանաս այդ ժամանակ տակաւին սարկաւագ էր, եւ այդ ժողովին մասնակցեցաւ իբրեւ եպիսկոպոսի օգնական:

Հակառակ շատ երիտասարդ ըլլալուն, Աթանաս ժողովին մասնակցողներուն կողմէ ճանչցուեցաւ, որովհետեւ լաւապէս պաշտպանեց քրիստոնէական ճշմարիտ հաւատքը: Կարգ մը անձեր ժողովին մէջ կ'ըսէին թէ Յիսուս իր Հօրը նման չէ: Անոնք նոյնիսկ հաճելի երգեր գրած էին, որոնք ժողովուրդը ուրախութեամբ կ'երգէր: Այս երգերուն մէջ կ'ըսուէր որ Յիսուսը Աստուծոյ Որդին չէ:

Աթանաս կարճահասակ, նիհար մարդ էր, բայց շատ լաւ խօսող՝ ճարտասան: Ան իր խօսած ճառերով եկեղեցին ազատեց սխալ գաղափարներէ:

Ան շատ զոհուեցաւ հաւատքը պաշտպանելու համար: Իր թշնամիները կ'ուզէին զինք սպաննել գաղտնաբար: Անոնք մինչեւ վերջ հալածեցին ու զրպարտեցին զինք: Բայց Աթանաս չյուսահատեցաւ: Ան շարունակեց յայտարարել ու գրել, թէ Յիսուս Քրիստոս Աստուծոյ Որդին է: Ան յիշեցուց ժողովուրդին, որ միայն Աստուծոյ Միածին Որդին կրնայ փրկել մեզ: Ան զգուշացուց իր քրիստոնէայ բարեկամները, որպէսզի հեռու մնան սխալ ուսուցումներէ, նոյնիսկ եթէ անոնց ուսուցիչները խելացի մարդիկ են եւ համոզիչ գաղափարներ ունին:

Աթանաս շատ դժուար կեանք ունեցաւ, ու յաճախ առանձին մնաց իր պայքարին մէջ: Բայց ան կ'ապաւինէր Աստուծոյ, եւ գիտէր որ Սուրբ Հոգին միշտ իր հետ է:



1. Սուրբ Հոգին ինչպե՞ս անոր հետ կրնար ըլլալ: Այստեղ գրէ՛ մտածումներդ:

2. Սուրբ Աթանաս ի՞նչ պիտի ըսէր մեզի եթէ այսօր ապրէր:

3. Նկարագրէ պահ մը, երբ Յիսուս քեզի օգնած է Սուրբ Հոգիին միջոցաւ:

Ձեր դասընկերներուն հետ արտասանեցէք կամ երգեցէք Սուրբ Աթանասին եւ սուրբ հայրապետներուն նուիրուած Օրհնութեան ԳԶ. շարականի հետեւեալ տունը.

Եւ Սուրբ Երրորդութեան ճշմարիտ հաւատքը ուղղափառ բոլոր եկեղեցիներուն քարոզեցին՝ հաւատալ Հօր, Որդիին եւ Ամենասուրբ Հոգիին:

Եւ գէա-ւա-տը-ս ճը-շ-մա-րիտսուրբ եր-րո-ւ-րդու-

թեանն, ընդ-հա-նուր քա-րո-ւ գե-ցին յե-կե-ղե-ցի-ս ուղ-ղա-

փա-ռաց- հա-ւա-տա-լ ի հա-յր ե-ւ Ո-ր-դի

Եւ յա-մե-նա-սուրբ Հո-գի :

ԸՆՏԱՆԻՔԻՆ ԱՆՂԱՄՆԵՐՈՒՆ ՔԵՏ

Այս պահուան համար քանի մը առարկաներ պատրաստ ունեցէք. Աստուածաշունչ մը, հաստ խաւաքարտ մը, դանակ մը, ներկելիք գրիչներ որեւէ գոյնի, եւ հուն գետնախնձորներ՝ ընտանիքի իւրաքանչիւր անդամին կէս հատ բաւելու չափ: Փոշիով ներկ պատրաստեցէք, ապա կերակուրի գոյն աւելցուցէք եւ գործիքով խառնեցէք, որպէսզի կարկանդակի տեսք ստանայ:

Այս շաբթուան դասը Սուրբ Հոգիին մասին է: Մենք գիտենք որ Սուրբ Հոգին Եկեղեցիին վրայ հանգչեցաւ Հոգեգալուստի օրը: Աստուծոյ խոստումին համաձայն, Սուրբ Հոգին այդ օրուրնէ մինչեւ այսօր Եկեղեցիին հետ՝ այսինքն մեզի հետ է:

Նոր Կտակարանը բազմաթիւ առիթներով կը խօսի այս մասին, թէ Սուրբ Հոգին մեզի հետ պիտի ըլլայ: Սկրտութեամբ Քրիստոնէութիւնը կ'ընդունինք, եւ Սուրբ Միւռնոնով Սուրբ Հոգիին կնիքը կը ստանանք: Հետեւաբար, իրեւնկրտութեամբ եւ Եկեղեցւոյ անդամներ, Սուրբ Հոգին մեզի հետ ունինք միշտ:

Միասնաբար կարդացէք **Եփեսացւոց 4.30** համարը: Հետեւեալ հարցումներուն մասին միասին մտածեցէք.՝

- 1.- Ինչպէ՞ս կրնանք չնեղացնել Սուրբ Հոգին: (Բոլորին նկատմամբ բարի վարմունք ունենալով, Աստուած սիրելով, հաւատացեալ ըլլալով, ծոյլ չըլլալով, եւ եկեղեցի երթալով ու աղօթելով):
- 2.- Ի՞նչ խոստում տրուած է մեզի: (Մենք կնքուած ենք Սուրբ Հոգիով, եւ Աստուած կ'ուզէ որ մենք իր արքայութիւնը ժառանգենք):

Ընտանիքի իւրաքանչիւր անդամ գետնախնձորի կտրուած մասին վրայ կնիք մը թող փորագրէ դանակով:

Ապա նախադասութիւն մը ընտրեցէք եւ գրեցէք թուղթի մը վրայ: Կրնաք խոստումներ գրել ձեր ընտանիքին համար, ըսելով թէ պէտք է ազնիւ ըլլալ, Աստուծոյ հաւատարիմ ըլլալ, եւայլն: Կամ կրնաք գրել՝ «մենք կնքուած ենք Սուրբ Հոգիով»: Ապա իւրաքանչիւր անդամ իր պատրաստած կնիքով թող կնքէ այդ թուղթը:

Թուղթը կախեցէք տեղ մը որ ամէն մարդ կարենայ տեսնել: Այս պահը կրնաք աւարտել Սուրբ Հոգիին ուղղուած հետեւեալ աղօթքով.՝

«Հոգի Աստուծոյ, Աստուած ճշմարիտ, որ Յորդանան գետին վրայ եւ վերնատունը իջար, եւ զիս լուսաւորեցիր սուրբ աւազանին մկրտութեամբ. մեղանչեցի երկինքին դէմ՝ քու առջեւ. վերստին մաքրէ զիս քու աստուածային կրակով, ինչպէս հրեղէն լեզուներով մաքրեցիր սուրբ առաքելները. եւ ողորմէ՛ քու արարածներուդ եւ ինձի՝ բազմամեղիս, Ամեն»:



Առաքեալները վկայեցին Յիսուս Քրիստոսի մասին
 իբրեւ Փրկիչ, անոր Բարի Լուրը տարածելով ամեն տեղ:
 Անոնք նաեւ Յիսուսի վրայ իրենց ունեցած հաւատքը փաստեցին
 գործնապէս՝ բժշկելով ու իրարու պէտքերը հոգալով: Սուրբ Ստեփանոս՝
 առաջին սարկաւազը, դարձաւ առաջին նահատակը,
 իր կեանքը տալով Յիսուսի համար:



Խօսք՝ ուղղուած ծնողներուն

Յիսուս Քրիստոսի մասին վկայութիւն պիտի տանք, առաջին եկեղեցւոյ օրինակը տալով քանի մը կերպերով: Առաքեալները վկայեցին Բարի Լուրը տարածելով, զոր տարին երկրէ երկիր: Անոնք նաեւ բժշկութիւն կատարելով վկայեցին եւ իրարու պէտքերը հոգալով: Սուրբ Ստեփանոս առաջին նահատակը եղաւ, որ վկայեց եւ իր կեանքը տուաւ Յիսուսի համար: Առաքեալները շարունակեցին վկայել, նորահաս-տատ եկեղեցին առաջնորդելով:

ՊԻՏԻ ՅԱՅՏԱՐԱՐԵՆՔ ԱՄԷՆ ՏԵՂ

Ամեն օր, թե՛ տաճարին եւ թե՛ իրենց տուներուն մէջ, անդադար կը սորվեցնէին,
Յիսուս Քրիստոսը քարոզելով իբրեւ Փրկիչ:

Ըստ Գործք Առաքելոց 5.42

Գործեր...

Յերմիներն գեղեցիկ գաղափար մը ունեցաւ

Ահաւասիկ օրինակ մը, թէ ի՞նչ կը պատահի ընկերներու խումբի մը մէջ, երբ անոնցմէ մէկը
նոր գաղափար մը յայտնէ: Ամէնքն ալ արդեօք նոյն ձեւով կ'ընդունին իր գաղափարը:

Դաւար.— Ուրեմն բոլորդ ալ ներկայ պիտի ըլլա՞ք Յակոբէնց տունը այս գիշեր: Շատ անակնկալի պիտի գայ Յակոբ:

Սօսի.— Մեզ համար ալ հաճելի պիտի ըլլայ: Զիմա որ ինք անելի լաւ կը զգայ, շատ պիտի ուրախանայ եւ շատ մը կատակներ պիտի ընէ, ինչպէս նախապէս կ'ընէր:

Սարգիս.— Ժամը քանիի՞ն պիտի հաւաքուինք եւ ես ի՞նչ կրնամ բերել:

Յովսէփ.— Բան մը բեր: Կրնաս զբաղումի համար խաղեր բերել, Դաւարը եւ Սօսին ալ կարկանդակ պիտի եփեն, ես ալ իմ կիթառս պիտի բերեմ:

Դաւար.— Յակոբին մայրն ալ մեզի թէյ կ'եփէ: Ան շատ ուրախ է որ ասիկա կը կազմակերպենք մենք: Ան ըսաւ թէ Յակոբին բան չէ ըսած եւ անակնկալի պիտի գայ:

Սօսի.— Այո, ան հազար անգամ փաթթուեցաւ եւ համբուրեց Յերմիներին, երբ իմացաւ որ իր գաղափարն էր ասիկա:

Սարգիս.— Ի՞նչ հաճելի էր, Յերմիներն կաս-կարմիր եղած էր ամէնալին:

Բարտի.— Գիտէ՞ք ինչ: Ես բնաւ համաձայն չեմ ձեր գաղափարին, եւ թերեւս ներկայ ալ չըլլամ այդ գիշեր:

Յովսէփ.— Ի՞նչ ըսել կ'ուզես: Մենք բոլորս համաձայն ենք այս գաղափարին, եւ վստահ ենք որ Յակոբին տրամադրութիւնը քիչ մը պիտի փոխուի:

Սարգիս.— Այո՛, շատ ճիշդ է ըսածը, ի՞նչ է քու դժուարութիւնդ, Բարտի:

Դաւար.— Կարծեմ կը նախանձիս որ ասիկա Յերմիներին գաղափարն էր:

Բարտի.— Ատիկա ճիշդ չէ, բայց կրնայի նաեւ այդ մասին ալ մտածել:

Սարգիս.— Բայց դուն բնաւ չմտածեցիր, իսկ Յերմիներն մտածեց: Ան ուզեց օգտակար դառնալ մեր ընկերոջ, եւ կը խորհիմ որ շատ լաւ գաղափար մըն է ասիկա:

Յովսէփ.— Ես ալ այդպէս կը մտածեմ: Շատ լաւ, ուրեմն գիշերը կը տեսնուինք:

Սարգիս.— Ինծի հեռաձայնեցէք եւ յիշեցուցէք. Յովսէփ, կը հեռաձայնե՞ս:

Յովսէփ.— Միտքդ չե՞ս կրնար պահել:

Սօսի.— Ցտեսութիւն ամէնուդ: Գիշերը կը տեսնուինք:


Դաւար.— Բարտի, հաճիս դուն ալ եկուր գիշերը: (Միայն Բարտին դուրս կ'ելլէ):

Բարտի.— Թերեւս կու գամ. բայց ես անելի լաւ ծրագիր մը կրնայի մշակել քան Յերմիներին ըրածը: Ինքզինքը շատ խելացի մէկը կը կարծէ:

Աստուածաշնչական պատմութիւնը կարդացած ժամանակ ուշադրութիւն դարձուցէք թէ մարդիկ ինչպէ՞ս տարբեր մօտեցում կը ցուցաբերեն առաքեալներուն քարոզութեան եւ կատարած բժշկութիւններուն:

ՄՈՒՐԵԱՆԵՐԸ ՆՇԱՆՆԵՐ ՓՈՅԺ ԿՈՒ ՏՈՒ ԵՒ ՀՐԱՇՔՆԵՐ ԿՐ ԿԱՏԱՐԵՆ

Ըստ Գործք. Մուքեւոճ 3.1-10, 11-26, 4.1-31, 5.12-42



Կեսօրէ ետք մը, երբ Պետրոս եւ Յովհաննէս տաճար կ'երթային աղօթելու համար, անդամալոյծ մը շալկած կը տանէին: Ամէն օր մարդիկ զինք կը տանէին տաճարին դրան առջեւ, որպէսզի մտնողներէն դրամ մուրար:

Երբ ան տեսաւ Պետրոսը եւ Յովհաննէսը, դրամ ուզեց անոնցմէ: Սակայն Պետրոս պատասխանեց. «Ես արծաթ կամ ոսկի չունիմ, բայց ինչ որ ունիմ պիտի տամ քեզի: Յիսուս Քրիստոսի անունով ոտքի ելիր եւ քալէ»: Պետրոս անոր ձեռքէն բռնեց եւ ան ոտքի ելլելով տաճար մտաւ, ամէնուն պատմելով եւ Աստուծոյ շնորհակալութիւն յայտնելով:

Ամբողջ ժողովուրդը տեսաւ զինք եւ ճանչցաւ որ ան տաճարին մուտքին նստող մուրացկանն էր: Պետրոսի եւ Յովհաննէսի շուրջ կը հաւաքուէին մարդիկ:

Պետրոս անոնց ըսաւ. «Ով իսրայէլացիներ, մի կարծէք թէ մեր ուժով ըրինք այս հրաշքը: Աբրահամի, Իսահակի ու Յակոբի Աստուածը փառաւորեց Յիսուս Քրիստոսը, Այն՝ որ դուք մերժեցիք: Բայց Ան սուրբ է եւ արդար, եւ իր անունով այս մարդը բժշկուեցաւ այսօր:

«Ես գիտեմ որ դուք զԱյն մերժեցիք, որովհետեւ չհասկցաք որ Ան է Մեսիան, Փրկիչը: Ան չարչարուեցաւ, ինչպէս որ մարգարէներ սկիզբէն ըսած էին իր մասին:

«Բայց հիմա դարձէք ձեր սխալ ճամբէն, որպէսզի պատրաստ ըլլաք երբ Մեսիան դարձեալ գայ, ինչպէս մարգարէները կ'ըսեն: Դուք Աստուծոյ Աբրահամին տուած խոստումին ժառանգորդներն էք, ըստ որուն անոր սերունդները ամբողջ երկրի վրայ պիտի օրհնուին»:

Սաղուկեցիները, որոնք յարութեան չէին հաւատար, ձերբակալեցին Պետրոսը եւ Յովհաննէսը: Անոնք, տաճարի քահանաներուն հետ, հրամայեցին առաքեալներուն որ ալ չխօսին Յիսուսի անունով: Պետրոս անոնց ըսաւ. «Դուք դատեցէք, Աստուծո՞յ մտիկ ընելը աւելի ճիշդ է, թէ ձեզի, որովհետեւ մենք չենք կրնար չխօսիլ այն ամէնուն մասին որ տեսանք եւ լսեցինք»:

Քահանաները սպառնացին առաքելներուն, բայց ձգեցին որ երթան:

Անոնց ձեռքէն ազատուելէ ետք, Պետրոս եւ Յովհաննէս իրենց ընկերներուն եւ հաւատացեալներուն քով գացին եւ անոնց պատմեցին թէ ի՞նչ ըսին իրենց տաճարի քահանաները, եւ թէ ի՞նչ սպառնալիքներ տուին իրենց: Անոնք միասնաբար աղօթեցին Աստուծոյ, որպէսզի Ան զօրացնէ զիրենք եւ շարունակեն քարոզել ու բժշկութիւններ կատարել Յիսուսի անունով: Երբ կ'աղօթէին, այն վայրը ուր կը գտնուէին ցնցուեցաւ եւ բոլորը Սուրբ Հոգիով լեցուեցան եւ համարձակութեամբ կը խօսէին Աստուծոյ խօսքը:

Առաքելները շարունակեցին նշաններ ցոյց տալ եւ հրաշքներ կատարել: Հաւատացեալներուն թիւը կը շատնար: Ժողովուրդը հիւանդները ծամբայ կը հանէր, որպէսզի Պետրոսին շուքը անոնց վրայ իյնար եւ բժշկուէին: Երուսաղէմէն եւ շրջաններէն իր քով հիւանդներ կը բերէին:

Նախանձող քահանաները եւ սադուկեցիները դարձեալ բանտարկեցին առաքելները, որպէսզի անոնց աշխատանքը դադրեցնեն: Բայց Աստուծոյ իրեշտակը բանտին դռները բացաւ, եւ երբ տաճարին պահապանները ներս մտան, բանտը պարապ գտան: Յետոյ մէկը եկաւ քահանաներուն եւ ըսաւ. «Այն մարդիկը որ դուք բանտը դրած էիք, ժողովուրդին մէջն են եւ կը քարոզեն»:

Քահանաները դարձեալ հարցուցին Պետրոսին ու Յովհաննէսին եւ ըսին. «Ինչո՞ւ տակաւին կը քարոզէք, չարգիլեցի՞նք ձեզի»: Երբ Պետրոս ըսաւ թէ պէտք է Աստուծոյ հնազանդիլ, անոնք ուզեցին սպաննել զինք:

Սակայն, իրեայ ղեկավարներէն մէկը՝ Գամաղիէլ անունով, ըսաւ անոնց. «Ձգեցէք այս մարդիկը: Եթէ ասոնց ծրագիրը մարդկային է, արդէն կը ձախողի. իսկ եթէ Աստուածային է, չէք կրնար պարտութեան մատնել: Նոյնիսկ Աստուծոյ դէմ պայքարած կ'ըլլաք այդ ձեւով»:

Գամաղիէլ կրցաւ համոզել զիրենք, ուստի անոնք պատժեցին առաքելները ծեծի ենթարկելով, եւ յետոյ ձգեցին որ երթան: Առաքելները ուրախ էին որ Յիսուսի համար չարչարուեցան: Այնուհետեւ ամէն օր տան եւ տաճարին մէջ կը քարոզէին եւ կ'ուսուցանէին Յիսուսի՝ Մեսիային մասին:

ՄՏԱԾԵՆՔ ՊԱՏՄՈՒԹԵԱՆ ՄԱՍԻՆ

Թատերականօրէն ներկայացուցէք անդամալոյծ մարդուն բժշկութիւնը Պետրոսի եւ Յովհաննէսի ձեռքով (Գործք Առաքելոց 3.1-10):

Այս թատրոնը պատրաստելու համար քանի մը անձեր պատրաստեցէք, որոնք այդ օր տաճարին մէջ էին:

- Անոնք ինչպէ՞ս ընդունեցին այս հրաշքը:
- Անոնք ի՞նչ ըսին:
- Անոնք ի՞նչ ըսին ուրիշներուն այդ մասին յետոյ:

Իրենց պատասխանները ներառէք թատրոնին մէջ:

Հոգեւոր բառարան

ՏԱՃԱՐԻ ԻՇԽԱՆԱԽՈՐՆԵՐ

Ասոնք տաճարին
պատասխանատու
քահանաներն էին:
Անոնք նաեւ կը կոչուէին
«Քահանայապետներ»
կամ «Երեցներ»:

Ամարծաթ բժշկներ՝ Կոզմաս եւ Դամիանոս

Ահաւասիկ պատմութիւն մը երկու սուրբերու մասին որոնք, առաքեալներու օրինակին հետեւելով, մարդոց օգնեցին ու զանոնք բժշկեցին:

1. Դարեր առաջ Ջոռմի մէջ կ'ապրէին Կոզմաս եւ Դամիանոս անունով երկու եղբայրներ: Անոնք Աստուծոյ օժտուած էին բժշկելու հրաշագործ շնորհքով:
2. Այդ օրերուն շատ հիւանդներ կային, այնպէս որ Կոզմասն ու Դամիանոսը միշտ զբաղած էին իրենց մօտ եկող այրերը, կիներն ու մանուկները բժշկելով ու անոնց խնամք տանելով:
3. Անոնք միայն մարդիկը չէին բուժեր, այլ նաեւ կենդանիները: Անոնց համար Աստուծոյ բոլոր արարածներն ալ կարելութիւն կը ներկայացնէին:
4. Թերեւս հարցնէք թէ հիւանդները, յատկապէս աղքատ մարդիկ, ինչպէ՞ս կրնային վճարել Կոզմասին ու Դամիանոսին, իբրեւ վարձատրութիւն իրենց կատարած բժշկութեան:
5. Անոնք իրենց կատարած բժշկութեան համար դրամ չէին առներ, եւ այդ պատճառով ամէնուն կողմէ սիրուած էին: Անոնք միշտ կը քաջալերէին հիւանդները վստահիլ Յիսուս Քրիստոսի, որպէսզի անոր միջոցաւ բժշկուէին:
6. Երկու եղբայրները Յիսուս Քրիստոսի պատգամով կ'առաջնորդուէին, որ կ'ըսէ. «Ձրի առիք, ձրի տուէք»: Այս բառերը կը գտնենք Մատթէոսի աւետարանին 10-րդ գլխուն 8-րդ համարին մէջ:
7. Կոզմասն ու Դամիանոսը միայն բժշկելու շնորհք չունէին: Անոնց մեծ ժառանգ մնացած էր իրենց ծնողներէն: Ձրի բժշկութիւն ընելէ բացի, անոնք նաեւ դրամ կու տային աղքատներուն:
8. Այդ օրերուն Ջոռմի մէջ ապրող ծանօթ միւս քրիստոնեաներուն նման, Կոզմասն ու Դամիանոսը հարց ունեցան կայսրին հետ, որ կը հալածէր քրիստոնեաները ու կը պատշպանէր կուռքերը, փոխանակ երկնաւոր միակ Աստուծոյ:
9. Կոզմասն ու Դամիանոսը ծերակալեցին եւ շղթաներով կապուած բերին Գալերիոս




կայսրին առջեւ: Անոնք հարցաքննուեցան ու սպառնալիքներ ստացան, սակայն չուրացան իրենց քրիստոնէական հաւատքը:

10. Անոնք ոչ միայն մերժեցին երկրպագել կուռքերուն, այլ նաեւ կայսրին դիմեցին ըսելով. «Եթէ քանդակագործները չքանդակէին ձեր կուռքերը, դուք պաշտելու առարկայ չէիք ունենար»:
11. Կայսրը զայրացաւ, բայց գնահատեց եղբայրներուն քաջութիւնը: Ապա, հրամայեց ազատ արձակել եղբայրները եւ ինք ալ քրիստոնէայ դարձաւ: Ան գիտցաւ, որ միայն ճշմարիտ Աստուծոյ կրնայ եղբայրներուն տալ այդպիսի զօրութիւն եւ ուրիշները այնքան սիրելու շնորհք:
12. Կոզմասն ու Դամիանոսը շարունակեցին բուժել հիւանդներն ու օգնել աղքատներուն: Անոնք ամենուն կը թելադրէին Աստուծոյ վստահիլ, եւ զԱյն սիրել ամէն բանէ աւելի: Անոնց համբաւը ամբողջ երկրին մէջ տարածուեցաւ եւ մարդիկ երախտապարտ էին անոնց նկատմամբ, որովհետեւ պատրաստակամութեամբ կը բժշկէին հիւանդները, առանց վարձատրութեան:
13. Իրենց նախկին ուսուցիչներէն մէկը կը սկսի նախանձիլ եղբայրներուն: Նախանձը հետզհետէ կը փոխուի ատելութեան: Օր մը, ան կը հրաւիրէ որ եղբայրները իր հետ մօտակայ լեռները բարձրանան դեղերու մէջ օգտագործելի բոյսեր հաւաքելու համար: Այդ լեռներուն մէջ դաւադրաբար ան կը սպաննէ եղբայրները:
14. Սուրբ Կոզմասն ու Դամիանոսը մեռան իբրեւ իսկական քրիստոնէացիներ, որոնք կը բուժէին եւ յոյս կը ներշնչէին հիւանդներուն: Մենք զանոնք կը յիշենք իբրեւ Քրիստոսի հետեւորդներ, որոնք Աստուծոյ իրենց տրուած շնորհքը կը բաշխէին ամենուն: Այդ աշխատանքը անոնք չէին ըներ դրամ շահելու կամ պատիւներու արժանանալու համար, այլ կ'ուզէին որ մարդիկ հաւատան Աստուծոյ:

ա) Ո՞վ է նախանձը այս պատմութեան մէջ: Ո՞վ էր նախանձը «Յերմիմէն գեղեցիկ գաղափար մը ունեցաւ» պատմութեան մէջ:

բ) Մարդիկ ինչո՞ւ կը նախանձէին Կոզմասին ու Դամիանոսին:

գ) Երբ մէկը լաւ գործ մը կը կատարէ կամ լաւ գաղափար մը կ'ունենայ, ի՞նչ կրնանք ընել զայն կատարելագործելու համար, նախանձելու փոխարէն:




ԲԺՇԿՈՒԹԵԱՆ աղօթքներ

Ուղղափառ Եկեղեցիները Քրիստոսի աշակերտներուն եւ սուրբերուն օրինակին կը փորձեն հետեւիլ: Աստուծոյ կը խնդրենք որ օրինէ բոլոր բարեգործները, փոխանակ նախանձելու անոնց: Մենք նաեւ կ'աղօթենք անոնց համար, որոնք կարիքաւոր են եւ մանաւանդ՝ հիւանդ:

Աղօթքներ կան որոնք Եկեղեցւոյ մէջ կ'արտասանենք: Քահանան կրնայ նաեւ աղօթք կատարել հիւանդանոցին կամ հիւանդներու տան մէջ: Ահաւասիկ հատուած մը քահանային աղօթքն.–

«Տէր Աստուած, քու ծառայիդ եւ ամբողջ ժողովուրդին վրայէն վերցո՛ւր ցաւերն ու հիւանդութիւնները եւ ամէնուն շնորհէ կատարեալ առողջութիւն քու ամենա-յաղթ խաչիդ նշանով, որով մարդկութեան տկարութիւնները վերցուցիր»:

Հատանկարիդ (փազըլ) վրայ գծէ կամ գրէ այն ինչ որ կրնաս ընել հիւանդի մը կամ կարիքաւորի մը օգնելու համար:



ԸՆՏԱՆԻՔԻՆ ԱՆՎԱՄՆԵՐՈՒՆ ՎԵՏ

Աստուածաշունչ մը ունեցէք պատրաստ, ինչպէս նաեւ լայն բերանով շիշ մը, որուն վրայ «դեղ» գրուած ըլլայ: Այս շաբթուան դասը կեդրոնացած էր առաքեալներու բժշկութեան ու կարիքաւորներուն հասնելու աշխատանքներուն: Աշակերտները սորվեցան նաեւ Ս. Կոզմասի եւ Ս. Դամիանոսի մասին, որոնք լաւագոյն եւ քրիստոնէավայել կերպով օգտագործեցին իրենց բժշկելու կարողութիւնը՝ յօգուտ շատերու: Իրենց կատարածին փոխան վարձք չպահանջելուն համար անոնք եւս կը պատկանին այն սուրբերուն դասին, որոնք կը կոչուին «անարձաք»: Ձեր զաւակը թող պատմէ ձեզի անոնց մասին:

Դասը նաեւ որոշ բացատրութիւններ կու տայ թէ Եկեղեցին այսօր ինչպէ՞ս կը կատարէ այդ բժշկութիւնները եւ անոր առնչուող աղօթքները: Աւելի շեշտելու համար այս գաղափարը, միասնաբար կարդացէք **Յակոբոս առաքեալի 5.13-14** համարները: Խօսեցէք անոնց թէ ինչպէ՞ս կրնանք աղօթել իրարու համար եկեղեցւոյ թէ տան մէջ, թէ ի՞նչ կ'աղօթէ քահանան հիւանդներուն վրայ:

Միասնաբար գտէք անձ մը, ձեր ընտանիքին ծանօթ, որ այս շրջանին աղօթքի կարիք ունի: Այդ անձին անունը գրեցէք թղթիկի մը վրայ եւ ձեր բերած շիշին մէջ դրէք: Կրնաք նաեւ զարդարել այդ շիշը ինչպէս որ կ'ուզէք:

Շիշը այնպիսի տեղ մը դրէք տան մէջ, որ միշտ յիշեցնէ ընտանիքի անդամներուն աղօթել այդ անձին համար: Երբեմն-երբեմն ըսէք որ անոր մէջ անուններ աւելցնեն կամ պակսեցնեն՝ ըստ կարիքի:

ՍՏԵՓԱՆՈՍ՝ ԱՌԱՋԻՆ ՍԱՐԿԱԽԱԳԸ

Ստեփանոս Աստուծոյ շնորհքով եւ զօրութեամբ լեցուն մարդ մըն էր, որ ժողովուրդին մէջ մեծամեծ հրաշքներ կը կատարէր եւ նշաններ ցոյց կու տար:

Ըստ Գործք Առաքելոց 6.8

Գործք...

Ամէն մարդ օգնականի պէտք ունի

Շատ մը գործեր առանձին կրնանք կատարել: Սակայն կեանքի մէջ պահեր կան, երբ ուրիշներու օգնութեան պէտք կ'ունենանք: Անոնք այնպիսի պահեր են, երբ մեր կարողութենէն վեր դէպքեր կը պատահին եւ չենք կրնար առանձին լուծել զանոնք:

Մտածեցէք այս կացութիւններէն իւրաքանչիւրին մասին: Թատերական երկու դերակատարութեամբ խաղացէք այս կացութիւնները, ցոյց տալով այն երկու կերպերը, երբ մարդիկ պէտք կ'ունենան ուրիշներու օգնութեան:



Ամուսնացած երիտասարդ զոյգ մը զոյգ զաւակներու ծնողք կը դառնայ:

1. _____

2. _____

Մարդ մը երկու ընկերներ ունի, որոնք նոր տուն կը փոխադրուին: Երկուքն ալ իր օգնութիւնը կը խնդրեն, որպէսզի տան ապրանքները հաւաքեն ու նոր տունը տանին: Սակայն երկուքն ալ նոյն շաբաթավերջին որոշած են փոխադրուիլ:

3. _____

4. _____

Ուսուցիչ մը իր դասարանին մէջ քանի մը աշակերտներ ունի որոնք յաւելեալ օգնութեան կը կարօտին, հասնելու համար դասարանի ընդհանուր մակարդակին:

5. _____

6. _____

Երբ Աստուածաշնչական պատմութիւնը կը կարդաք, տեսէք թէ ինչպէ՞ս կացութիւնը փոխուեցաւ առաջին շրջանի եկեղեցւոյ պարագային եւ առաքեալները օգնականներու կարիքը զգացին:

Առաքին սարկաւազները ԿՐ ԾԱՌԱՅԵՆ ԵԿԵՂԵՑՈՅ

Ըստ Գործք Առաքելոս 6.1-15



աշխատանքը իրենք կատարեն: Իսկ մենք ալ մեր կարգին կը նուիրուինք աղօթքի եւ Աստուծոյ խօսքին քարոզութեան»:

Առաքեալներուն ըսածը հաճելի թուեցաւ հաւատացեալներուն, եւ անոնք ընտրեցին Ստեփանոսը՝ հաւատքով ու Սուրբ Զոգիով լեցուն մարդ մը: Անոնք ընտրեցին նաեւ Փիլիպպոսը, Պրոքորոնը, Նիքանորը, Թիմոնը, Պարմենասը եւ Նիկողայոսը, որ նոր քրիստոնեայ դարձած էր՝ Անտիոքէն: Այս մարդիկը բերին առաքեալներուն դիմաց, որոնք աղօթեցին եւ իրենց ձեռքը դրին անոնց վրայ:

Աստուծոյ խօսքը շարունակեց տարածուիլ: Հաւատացեալներուն թիւը կը շատնար Երուսաղէմի մէջ:

Ստեփանոս, շնորհքով ու զօրութեամբ լեցուն, մեծ աշխատանքներ եւ նշաններ կատարեց ժողովուրդին մէջ: Ապա, ժողովարանի պատկանող կարգ մը մարդիկ, ինչպէս նաեւ Կիւրենիայէն, Աղեքսանդրիայէն, Կիլիկիայէն ու Ասիայէն եկած անձեր, դէմ խօսեցան Ստեփանոսի: Բայց անոնք չկրցան յաղթել անոր իմաստութեան եւ Զոգիին՝ որով ան կը խօսէր:

Ուստի, անոնք գաղտնի կերպով մարդիկ վարձեցին որ ըսեն. «Մենք լսած ենք, որ Ստեփանոս հայհոյալից խօսքեր կ'ըսէ Մովսէսի եւ Աստուծոյ մասին»: Այս ձեւով անոնք ժողովուրդը եւ ծերերն ու դպիրները թշնամացուցին Ստեփանոսի: Ապա անոնք ձերբակալեցին Ստեփանոսը

Դատարանին մեջ եղողները լաւ մը
նայեցան Ստեփանոսի դէմքին եւ
տեսան որ հրեշտակի դէմք ուներ ան:

ՊԱՏԱՌԻԹԵԱՆ ՎԱՍԻՆ

- 1.- Ինչո՞ւ համար առաքելները պետք է մարդիկ գտնեին սեղանին սպասարկելու համար:
- 2.- Դուք եթե ներկայ ըլլալիք Ստեփանոսը դատող մարդոց քով եւ տեսնեիք որ անիկա «հրեշտակի դեմք ուներ», ի՞նչ կ'ընեիք:

ՅՈՒՆԱԿՕՄՆԵՐ

ԵՐԱՅԵՑԻՆԵՐ

ՀԱՅՀՈՅԱՆՔ

- 43 -

Սուրբ Փիբե Սարկաւագուհին

Շատ մը մարդոց կողքին, շատ մը կիներ եւս ծառայեցին Եկեղեցւոյ եւ աշակերտեցին Սուրբ Պօղոսի: Գիտենք նաեւ որ կիներ օգտակար հանդիսացան որ ուրիշ կիներ եւս մկրտուին, անոնց նկատմամբ հիւրընկալ եղան եւ ուղղութիւն տուին քրիստոնէական կեանքի մէջ: Այս կիներն ալ սարկաւագներ էին:


Կարդացէք **Հռոմայեցիներուն** գրուած նամակին **16.1-2** համարները, եւ այստեղ քանի մը տող գրեցէք թէ ի՞նչ կ'ըսէ Պօղոս առաքեալ Փիբե Սարկաւագուհիին մասին:



Պօղոս առաքեալ շատ կարեւոր պարտականութիւն մը տուաւ Փիբեին: Ան էր որ իր նամակը տարաւ հռոմայեցի քրիստոնէաներուն եւ զայն կարդաց անոնց: Պօղոս առաքեալ հռոմայեցիներուն ըսաւ որ զայն Տիրոջ անունով ընդունին, ինչպէս վայել է քրիստոնէաներուն:

Կարդացէք **Հռոմայեցիներուն** **12.9-21** համարները: Ասոնք քանի մը խօսքեր են այն նամակէն, որ Փիբե Պօղոս առաքեալի անունով տարաւ հռոմայեցիներուն: Քեզի համար կարեւոր նկատուող նախադասութիւն մը ընտրէ եւ վարի նամակին մէջ գրէ: Նոյն նախադասութիւնը աւելի մեծ գրէ եւ զարդարէ զայն:

Նամակ՝ Հռոմի քրիստոնէաներուն



Հարցազրոյց՝ սարկաւագի մը հետ

Մենք, տղայ ըլլանք թէ աղջիկ, շատ մը ձեւերով կրնանք հետեւիլ սարկաւագներու օրինակին, որոնք Աստուծոյ ու մարդոց ծառայեցին: Մեր եկեղեցիին մէջ սարկաւագները, որոնք տղայ կ'ըլլան, Սուրբ Պատարագի ժամանակ եւ այլ եկեղեցական արարողութիւններու ընթացքին քահանային կը սպասարկեն խորանին վրայ: Անոնք նաեւ երբեմն ժողովուրդին կեանքին մէջ օգտակար կ'ըլլան ուրիշներուն: Անոնք երբեմն կերակուր կը բաժնեն աղքատներուն, հիւանդներուն այցելութիւն կու տան, եւ տուները այցելելով կը հարցնեն եթէ որեւէ կարիք ունին:

Աշակերտներէն մէկուն հետ միասին կարդացէք Պօղոս առաքեալի խօսքը լաւ սարկաւագի մասին, **Ա. Տիմոթէոս 3.18**-ին մէջ: Ապա «հարցազրոյց» մը պատրաստեցէք սարկաւագի մը հետ: Մէկը կրնայ «հարցազրոյց»ը կատարողը ըլլալ, իսկ միւսը՝ հարցումներուն պատասխանող սարկաւագը (աղջիկ կամ տղայ): Հարցազրոյց վարողը կրնայ ստորեւ դրուած հարցումներէն հարցնել եւ պատասխանները գրել:

- Ի՞նչ կ'ընէք օրուան ընթացքին:

- Ինչպիսի՞ մարդոց կը հանդիպիք եւ ինչպէ՞ս կ'օգնէք անոնց:

- Ինչո՞ւ սարկաւագ ըլլալ փափաքեցաք:

- Ձեր գործին ամենէն հաճելի եւ իմաստալից բաժինը ի՞նչ է:

ՏԱՆ ՄԷՋ՝ ԸՆՏԱՆԻՔԻՆ ԲԱԺԻՆԸ

Այսօրուան դասը կեդրոնացած էր առաքելներուն օգնական ունենալու կարիքին վրայ, որպէսզի կարենային հասնիլ եկեղեցւոյ օրէ օր աճող գործին: Այդ օգնականները առաջին սարկաւագները եղան: Յաջորդող տարիներուն սարկաւագներուն թիւը պիտի շատնար՝ տղայ թէ աղջիկ:

Այս դասը մեզի կը նկարագրէ անոնց կողմէ կատարուած աշխատանքներէն մաս մը, եւ կը թելադրէ որ մենք ալ անոնց օրինակին հետեւինք, մեր օրերու պայմաններով:

Դասը նաեւ զուգահեռներ կը գծէ սարկաւագութեան եւ ծառայութեան միջեւ: Մեր ապրած ընկերութեան մէջ այսօր «ծառայութիւն» գաղափարը շատ հաճելի չէ: Յաճախ ծառայելը նուաստութիւն կը համարուի: Ընդհակառակը, այսօր մենք կ'ուզենք բարձր դիրքերու վրայ ըլլալ եւ կ'ուզենք որ ուրիշներ մեզի ծառայեն:

Յիշեցուցէք ձեր ընտանիքին Յիսուսի կատարած մեծ ծառայութեան օրինակը, երբ Վերջին Ընթրիքի գիշերը իր աշակերտներուն ոտքերը լուաց (**Յովհաննէս 13.1-16**): Միասնաբար խօսեցէք ձեր կատարած ծառայութիւններուն եւ ուրիշներուն ձեզի կատարած ծառայութիւններուն մասին: Մեր Տէրը կ'ըսէ, թէ աւելի զօրաւոր կ'ըլլանք երբ ծառայենք ուրիշներուն: Այս գաղափարը բացատրեցէք եւ օրինակներ տուէք ձեր կեանքէն, երբ ծառայած էք ու գոհունակութիւն զգացած եւ աւելի զօրաւոր դարձած: (Օրինակ՝ աշակերտ մը գործին կը տիրապետէ հնազանդելով իր վարպետին ու նախ ծառայելով անոր: Ուսանողներ իրենց ուսուցչին հնազանդելով գիտութեան կը հասնին: Անշուշտ երբ ուզելով ծառայէ մարդ, ներքին ուրախութիւն մը կը զգայ):

Միասնաբար աղօթեցէք որ Աստուած համեստութիւն տայ ձեզի, որպէսզի կարենաք ծառայել, ինչպէս նաեւ երախտագիտութեան ոգի՝ գնահատելու համար ուրիշներուն ձեր նկատմամբ կատարած ծառայութիւնը:



ՍՈՒՐԲ ՍՏԵՓԱՆՈՍ՝ ԱՌԱՋԻՆ ՆԱՀԱՏԱԿԸ

Մինչ անոնք կը քարկոծէին Ստեփանոսը, ան կ'աղօթէր ըսելով.

«Տէր Յիսուս, ընդունէ՛ հոգիս»: Ապա ծունկի եկաւ եւ բարձր ձայնով ըսաւ. «Ասիկա մեղք մի սեպեր իրենց»:

Ըստ Գործք Առաքելոց 7.59-60

Գործեր...

Մարիան շատ մտահոգուած էր: Ան երբ իր ընկերուիկները տեսնէ դպրոցը, անոնց պիտի ըսէ. «Չեմ կրնար անտեսել նոր աղջիկը: Ան շատ դժուար կացութեան մէջ է»:

Մարիան երբ իր ընկերուիկներուն մօտեցաւ, Կասիա իրեն ըսաւ. «Մեր անուշիկ Մարիան կու գայ, որ միշտ ազնիւ եղած է ամէնուն հետ»: Կասիա եւ Դալար իրարու նայեցան եւ խնդացին:

Մարիան զգաց որ իր այտերը կը կարմրէին: «Կը բաւէ՛ ալ: Ես բնաւ չեմ ըսած թէ անուշիկ եմ ու բացառիկ: Բայց ճիշդ չէ անտեսել մէկը որ նոր է, ամէկոտ է, եւ տակաւին չի ճանչնար այն մանուկները որոնց հետ դասարան պիտի մտնէ»:

Քնարիկ ըսաւ. «Մարիա, գիտեմ որ ճիշդ ես: Բայց եթէ մենք այդպիսի աղջկայ մը հետ ընկերուի ըլլանք, ամէն մարդ պիտի կարծէ որ մենք ապուշ ենք: Գիտես որ ինք լաւ չի հագուիր, ոչ ալ լաւ կը խօսի, ոչ ալ որեւէ գործ լաւ կ'ընէ»:

Դալար աւելցուց. «Մարիա, եթէ այդքան բարի ես, շարունակէ գիտցածիդ պէս: Բայց մենք քեզի պէս չենք մտածեր»:

«Օ՛, եկաւ նոր աղջիկը, եկէք այստեղէն հեռանանք», ըսաւ Կասիա:

Անոնք հեռացան եւ Մարիան առանձին մնաց: Ան շատ վիրաւորուած զգաց եւ կ'ուզէր փախչիլ: Բայց ան փորձեց ժպտալ նորեկ աղջկան, ամէկոտ սպասելով որ անիկա բարեւէ իրեն:



Մտածել՝ք ան յարա

- Ի՞նչ պիտի ընէ արդեօք Մարիան:
- Իր որոշումը ինչպէ՞ս պիտի ազդէ իր վրայ, իր ընկերուիկներուն վրայ եւ մանաւանդ նորեկ աղջկան վրայ:

Նայեցէ՛ք թէ Ստեփանոս Սարկաւազ ինչպէ՞ս պիտի վարուի իրեն հակառակորդ մարդոց հետ:

ՍՏԵՓԱՆՈՍ ՍԱՐԿԱԽԱԳ ԻՐ ՀԱԽԱՏՔԸ ԿԸ ՊԱՇՏՊԱՆԷ

Հսգ Գործք Առաքելոս 7.1 - 8.1

Երբ Ստեփանոս զինք դատող խումբին դիմաց կեցաւ, քահանայապետը հարցուց. «Ճիշդ է որ դուն ըսած ես որ Յիսուս Քրիստոս տաճարը պիտի քանդէ եւ Մովսէսի պատուիրանները ու աւանդութիւնները պիտի փոխէ»:

Ստեփանոս անոնց յիշեցուց, թէ ինչպէ՞ս Աստուած անոնց հետ եղած էր սկսելով Աբրահամի օրերէն: Ստեփանոս ըսաւ. «Աստուած Աբրահամին նոր երկիր մը խոստացաւ: Ան ըսաւ թէ Աբրահամի յաջորդները իբրեւ օտարական ու գերի պիտի ապրին հեռու երկրի մը մէջ 400 տարի: Բայց Աստուած նաեւ ըսած էր. "Ես իմ ժողովուրդս այդ երկրէն դուրս պիտի բերեմ որպէսզի զիս պաշտէ այս վայրին մէջ": Իսահակ Աբրահամի զաւակն էր, եւ Իսահակի զաւակը՝ Յակոբ 12 զաւակներու՝ 12 նահապետներու հայրը դարձաւ»:

Ապա Ստեփանոս յիշեցուց անոնց, թէ Յակոբի 11 զաւակները, նախանձելով իրենց եղբոր՝ Յովսէփի, զայն գերի իբրեւ ծախսեցին եգիպտացիներու: Սակայն փարաւոնը կամ եգիպտոսի թագաւորը շատ սիրեց զայն: Յետոյ, Յովսէփ իր ամբողջ ընտանիքը ազատեց Քանանի մէջ տիրած սովի օրերուն եւ ամէնքը եգիպտոս բերաւ, ուր կերակուրը առատ էր:

Ապա Ստեփանոս ըսաւ. «Երկար տարիներ ետք, նոր փարաւոն մը եկաւ որ խրայելացիները գերի դարձուց: Բայց Մովսէս ազատուեցաւ եւ փարաւոնին աղջիկը զայն իր զաւակը դարձուց: Ան մեծցաւ եգիպտական կրթութեամբ եւ իմաստութեամբ:

«Մովսէս եգիպտացի մը սպաննեց, որ նեղութիւն կու տար խրայելացիի մը: Ան գիտցաւ որ ինք խրայելացի մըն է: Բայց օր մը երբ տեսաւ որ երկու խրայելացիներ կը կռուէին, մօտեցաւ որ հաշտեցնէ զանոնք. անոնցմէ մէկը իրեն ըսաւ. "Ո՞վ ես դուն որ մեզ կ'ուզես հաշտեցնել: Ձի՞ս ալ պիտի սպաննես, ինչպէս որ սպաննեցիր եգիպտացի»:

«Այն ատեն Մովսէս գիտցաւ որ իր կատարած ոճիրը տեսած էին մարդիկ, եւ Մադիամ փախաւ: Զոն ապրեցաւ 40 տարի, եւ ապա Տէրը խօսեցաւ անոր հետ այրող փուշերուն մէջէն Սինա լեռան վրայ, եւ ըսաւ. "Քեզ եգիպտոս պիտի դրկեմ»:

Ստեփանոս ըսաւ. «Նոյն այդ Մովսէսը Աստուծոյ կողմէ դրկուեցաւ իբրեւ ազատարար եւ ինք էր որ ժողովուրդը դուրս բերաւ եգիպտոսէն, այնտեղ հրաշքներ գործելէ վերջ: Մովսէս խոստացաւ որ Աստուած մարգարէ մը պիտի դրկէ: Ան իր ժողովուրդը դէպի անապատ առաջ-



նորդեց հակառակ շատերու դժգոհութեան, եւ պաշտամունքի մղեց զանոնք: Մովսէս վկայութեան խորան շինեց, որ մեր հայրերը իրենց հետ բերին Աստուծոյ իրենց խստացած այս երկիրը: Անիկա մնաց մինչեւ Սողոմոն թագաւորին ժամանակ, որ Երուսաղէմի տաճարը կանգնեց»:

Ստեփանոս ըսաւ. «Չա՛ր մարդիկ, դուք Սուրբ Հոգիին կը հակառակիք, ինչպէս ձեր հայրերը ըրին: Դուք մարգարէները սպաննեցիք, որոնք ըսին թէ Արդարը պիտի գայ, եւ դուք սպաննեցիք զԱյն եւս: Դուք Օրէնքը ստացաք, բայց չգործադրեցիք զանիկա»:

Անոր խօսքերը շատ զայրացուցին զիրենք: Բայց ան Սուրբ Հոգիով լեցուած ըսաւ. «Նայեցէ՛ք, երկինքը կը տեսնեմ բացուած եւ Մարդու Որդին՝ Յիսուս Քրիստոս նստած Աստուծոյ աջ կողմը»:

Անոնք չուզեցին լսել այլեւս թէ ի՞նչ կ'ըսէ, եւ քարեր առին ու սկսան վրան նետել սպաննելու համար զայն: Ստեփանոս աղօթեց ու ըսաւ. «Տէր Յիսուս, ընդունէ՛ իմ հոգիս»: Ապա ծունկի եկաւ եւ բարձր ծայնով ըսաւ. «Տէր, մեղք մի սեպեր ասիկա իրենց համար»: Եւ ապա Ստեփանոս մեռաւ:

ՄՏԱԾԵՆՔ ՊԱՏՃՈՒԹԵԱՆ ՄԱՍԻՆ

Ստեփանոս Սարկաւագին եւ առաջին նահատակին պատմութիւնը մեզի կը ներկայացնէ Եկեղեցւոյ ամբողջ պատմութիւնը, սկսելով Հին Կտակարանէն: Ստեփանոս զինք հալածողներուն կը յիշեցնէ Իսրայէլի պատմութիւնը, սկսելով Աբրահամէն, մինչեւ Հոգեգալուստ եւ Քրիստոնէական Եկեղեցի:

Վերաբաղ ըրէք կարգ մը բաժինները Սուրբ Ստեփանոսի ներկայացուցած պատմութեան: Ստորեւ տրուած բացատրութիւններուն համապատասխան վայրերը նշեցէ՛ք, անոնց դիմաց դնելով ճիշդ բառը:

1.- Աբրահամի ապրած նախկին երկիրը _____

2.- Վայրը ուր Մովսէս հանդիպեցաւ Աստուծոյ այրող փուշերուն մէջ _____

3.- Երկիրը ուր գերի ըլլալու ծախուեցաւ Յովսէփ _____

4.- Վայրը՝ ուր փախաւ Մովսէս, գիտնալով որ իր կատարած ոճիրէն տեղեակ են մարդիկ _____

5.- Երկիրը՝ ուր Յովսէփի ընտանիքը ապրեցաւ, ուրկէ անոնք Եգիպտոս եկան կերակուր գնելու, երբ սով տիրած էր _____

ա) Սինա լեռ

բ) Քանան

գ) Մադիան


դ) Միջագետք

ե) Եգիպտոս

Քարտեւի վերաքաղ

Կարդացիք արդէն Ստեփանոսի մասին, իսկ նախորդ դասին ալ՝ Փիբէի մասին: Աստուծոյ այս երկու ծառաները եկեղեցւոյ առաջին շրջանին ապրած են, երբ Աւետարանը կը քարոզուէր աշխարհին: Ահաւասիկ քարտեւ մը, որ ցոյց կու տայ այն վայրերը, ուր եկեղեցին կ'աճէր ու կը զօրանար: Նշեցէ՛ք զանոնք:

1. Կլոր մը դրէք ☐ **Հռոմին** վրայ, ուր Փիբէ տարաւ Պօղոս առաքելի նամակը:
2. Ուրիշ կլոր մը դրէք ☐ **Անտիոքի** վրայ, որ Նիկողայոսի՝ եօթը սարկաւագներէն մէկուն քաղաքն էր, որ ժողովուրդը ընտրած էր առաքելներուն խնդրանքով:
3. Երրորդ կլոր մը դրէք ☐ **Աղեքսանդրիայի** վրայ՝ Եգիպտոսի նշանաւոր քաղաքներէն մէկը: Քաղաք մը, ուրկէ եկած էին Ստեփանոսի հակառակորդներէն մաս մը:
4. Թեթեւ մը գծեցէ՛ք **Կիլիկիայի** շրջանը, ուրկէ դարձեալ Ստեփանոսի հակառակորդներէն ոմանք եկած էին:
5. Կլոր մը դրէք ☐ **Երուսաղէմի** վրայ, ուր Ստեփանոս վկայեց իր քրիստոնէական հաւատքին մասին եւ իր կեանքը տուաւ:



Հռոմէական Կայսրութենէն մաս մը՝ Յիսուսի ապրած օրերուն

Առանձին դիմադրել

Դիւրին չէ առանձին պայքարիլ երբ արդար ենք ու բարի: Մարիային եւ նորեկ աղջկան պատմութիւնը մեզի ցոյց կու տայ, թէ ինչ դժուար բան է առանձին մնալը կեանքի մէջ եւ մանաւանդ լքուիլը ընկերներէ: Տակաւին, Մարիան գիտէր թէ իր ըրածը ճիշդ էր:

Սուրբ Ստեփանոս եւս առանձին մնաց իրեն հակառակող զայրացած խումբ մը մարդոց դիմաց, որոնք դէմ էին իր հաւատքին ու համոզումներուն: Բայց ան շատ զօրաւոր հաւատք ունէր: Ան գիտէր որ Աստուած միշտ իրեն հետ պիտի ըլլար, այնպէս ինչպէս եղած էր Մովսէսի հետ, եւ ամէն անոնց հետ, որոնք կը սիրեն զինք: Ստեփանոս համոզուած ըլլալով այս ճշմարտութեան, բնաւ չվախցաւ իր հաւատքը ուրիշներուն ըսելէ:

Բազմաթիւ կերպերով մենք ալ կրնանք վստահ ըլլալ մեր հաւատքին մասին: Կրնանք աղօթել, եկեղեցի երթալ, եւ Աստուածաշունչը կարդալ, Աստուծոյ ու իր ժողովուրդին մասին աւելի գիտելիք ունենալու համար:

Գիտենք նաեւ որ շատ մը երկիրներու մէջ քրիստոնեաներ շատ աշխոյժ են ու իրենց հաւատքը ամուր կը պահեն Աստուծոյ օգնութեամբ:

Թուղթի մը վրայ գրեցէք դէպք մը, երբ մէկը կը ստիպուի իր հաւատքը պաշտպանել: Ատիկա կրնայ ըլլալ դպրոցին մէջ, ընկերներու հետ եղած ժամանակ, կամ այլ շրջանակի մէջ:



Շարական՝ նուիրուած Սուրբ Ստեփանոսի

*«Քրիստոսի առաքեալ եւ նախավկայ Սուրբ Ստեփանոս,
դուն որ քարկոծումը յանձն առիր եւ անմահներու
բնակարանը փոխադրուեցար, աղաչէ՛ Աստուծոյ,
որ մեզի ալ անմահ կեանք շնորհէ»:*

ԸՆՏԱՆԻՔԻՆ ԱՆԳԱՄՆԵՐՈՒՆ ՎԵՏ

Այս բաժնին համար կօշիկի տուփ մը պետք պիտի ունենաք կափարիչով միասին: Պետք պիտի ունենաք նաեւ մկրատներ, թուղթ փակցնելիք, խաւաքարտի երկու բարակ կտորներ, փոքրիկ կանաչ տունկ մը որ տուփին մէջ պիտի աճի:

Այս շաբթուան պատմութեան գլխաւոր նիւթը Սուրբ Ստեփանոսին կատարած գործն է, որ եղաւ առաջին սարկաւազն ու նահատակը: Թելադրեցէք որ ձեր զաւակը պատմէ ձեզի իր մասին:

Կարելոր կէտերէն մէկը այն է, որ Սուրբ Ստեփանոս լաւապէս գիտէր Հին Կտակարանը՝ Աստուծոյ իր ժողովուրդին հետ ունեցած յարաբերութեան պատմութիւնը: Այս գիտութիւնը եւ Աստուծոյ վրայ, ունեցած իր հաւատքը Ստեփանոսը անվախ դարձուցին, նոյնիսկ իր թշնամիներուն դիմաց:

Այս դասին մէջ շեշտը պետք է դնել այն իրողութեան վրայ, որ երբ վստահութիւն ունինք Աստուծոյ վրայ Սուրբ Հոգիին միջոցաւ, ամէն դժուարութիւն կրնանք դիմագրաւել եւ հաւատարիմ մնալ Աստուծոյ: Ինչ ալ պատահի մեր կեանքին ընթացքին, մենք կը շարունակենք «աւելի մօտենալ» Աստուծոյ: (Այս մասին շարունակեցէք խօսիլ անոնց յաջորդող շաբաթներուն, երբ ձեր բերած տունկը սկսի աճիլ):

Տուփին վերի մասը ծակ մը բացէք, որպէսզի բոյսը աճի, ինչպէս որ ցոյց կը տրուի: Այդ երկու բարակ խաւաքարտները փակցուցէք երկու կողմերը, ինչպէս նկարին մէջ ցոյց կը տրուի: Բոյսը մէջը դրէք եւ ապա տուփը ոտքի վրայ կեցուցած, անոր կափարիչը գոցեցէք:

Փակ տուփը արեւոտ տեղ մը դրէք, կափարիչը հանեցէք երբ պիտի ջրէք զայն:

Պիտի տեսնէք որ բոյսը պիտի աճի դէպի լոյսին ուղղութեամբ, խաւաքարտերուն մէջէն անցնելով, որոնք դժուարութիւնները կը խորհրդանշեն: Ինչպէս որ այդ բոյսը պիտի չարչարուի լոյսին հասնելու, մենք ալ երբեմն նեղութիւններ կը կրենք Աստուծոյ հասնելու մեր ճամբուն մէջ: Աստուծոյ Սուրբ Հոգին մեզի պիտի օգնէ միշտ ու մեր կողքին պիտի ըլլայ, այնպէս ինչպէս Հոգին օգնեց Սուրբ Ստեփանոսին:



Տուփին տեսքը կողմէն, առանց կափարիչի



Կափարիչը դրուած վիճակի մէջ